

# Asturnews

05/10/2011

## *Redacción*

### **Presenten la Obra Completa n'asturianu de Nené Losada**



El viernes día 7 d'ochobre, a les 20:00 hores na Sala Álvaro Delgado, asitiada na cai Álvaro d'Albornoz de Lluarca (Valdés), va presentase la "Obra completa n'asturianu" de Nené Losada Rico, cuntado col conceyal de Cultura, Juan Guisasola, cola conferencia de Taresa Lorences «Construir un mundu, reinventalu: elementos simbólicos na poesía de Nené Losada Rico» y con una semblanza de Nené Losada Rico, por Antón García, escritor.

El pieslle al actu van ponelu Inaciu Iglesias, editor y José Modesto Vallejo, alcalde de Valdés.

Esti llibru, asoleyáu por Trabe, recueye tola obra poética y narrativa n'asturianu de Nené Losada Rico. Xunto a los poemas de tipu popular de Cantares valdesanos (Llibros del Peixe, 1992) que se ven ampliaos nesta edición colos 68 versos últimos del apartáu «Cantares», vienen los publicaos nos dos llibros siguientes de l'autora (Entre apigarzos, 1997 y El nome de las cousas, 2001). De Fueyes que reverdecen (Atenáu Obrero de Xixón, 2004) recoyéronse namás aquellos que naquel momentu yeren inéditos. La parte poética d'esta obra pieslla con un puñadín (70 esactamente) de poemas inéditos.